



Pou Piblikasyon Imedya: 25/09/2023

GOUVÈNÈ KATHY HOCHUL

GOUVÈNÈ HOCHUL DEPLWAYE 150 LÒT PÈSONÈL GAD NASYONAL POU SIPÒTE REPOSNS AK KRIZ MOUN K AP CHÈCHE AZIL YO

Nouvo deplwaman an pral ogmante pèsonèl Gad Nasional la nan 2,050 ki travay avèk moun k ap chèche azil yo

Yo pral asiyen 250 pèsonèl gad nasional la pou sèvis jesyon ka aplentan

Baze sou envestisman eta 50 milyon dola pou ede moun k ap chèche azil ak migran yo ranpli dokiman, gen yon estati travay legal ak epi kite yon abri ke kontribiyab yo finanse

Gouvènè Kathy Hochul jodi a te deplwaye yon lòt 150 manm Gad Nasional New York pou sipòte repons kontinyèl ak kriz moun k ap chèche azil ak migran yo. Akoz nouvo deplwaman sa a, eta a pral kapab asiyen 250 pèsonèl Gad Nasional la responsabilite aplentan pwofesyonèl jesyon ka yo. Deplwaman sa a, ansanm ak envestisman eta 50 milyon dola nan jesyon ka jiskaprezan, pral ede moun k ap chèche azil ak migran yo ranpli dokiman ki apwopriye yo pou yo jwenn estati travay legal yo epi pou yo kite abri ke kontribiyab yo finanse.

"Li enpòtan pou nou ede jwenn otorizasyon travay pou moun k ap chèche azil ak migran nan New York yo", **Gouvènè Hochul te deklare**. "Nou bezwen asire ke moun yo ka jere dokiman ki nesesè pou fè yo etabli yo isit la pou yo ka travay epi kòmanse fè rèv Ameriken yo vin yon reyalite. Manm Gad Nasional nou yo jwe yon gwo wòl nan ede nan pwosesis la epi nou rekonesan pou sèvis yo a".

Gouvènè Hochul te anonse tou deplwaman 150 lòt pèsonèl Gad Nasional New York ak resous sou sit moun k ap chèche azil nan Vil New York yo. Deplwaman sa a baze sou plis pase 1,900 pèsonèl Gad Nasional ki kounye a ap bay sipò lojistik ak operasyonèl pou moun k ap chèche abri nan tout eta a. Pèsonèl Gad Nasional New York yo ap okipe kounye a 51 otèl ak de Sant Repons ak Sekou Imanitè Ijans Vil New York.

Anplis Gad Nasional New York la, Gouvènè Hochul te oryante lòt resous eta a pou ede Venezyelyen yo ak lòt moun k ap chèche azil yo ak migran yo soumèt dokiman apwopriye yo pou yo resevwa estati travay legal yo rapidman. Nan travay an patenarya ak ofisyèl federal ak vil yo, New York nan mitan yon "Mwa Aksyon" kote plis pase 50

pèsonèl Depatman Sekirite Teritwa federal nan New York ap travay pou trete dokiman otorizasyon travay yo. Sa ajoute sou yon 20 milyon dola adisyonèl yo te atribiye bay òganizasyon san bi likratif yo, 20 milyon dola yo atribiye pou ede Vil New York avèk yon ogmantasyon dosye atravè Health + Hospitals NYC, ansanm ak 10 milyon dola pou sèvis legal migran ke yo te atribiye nan Bidjè Ane Fiskal 2024 la.

Nan kòmansman mwa sa a, responsab Mezon Blanch yo te anonse gen kèk moun ki soti nan Venezyela, ki te rete kontinyèlman nan Etazini nan dat 31 jiyè 2023 oswa anvan, pral kalifye pou aplike pou Estati Pwoteksyon Tanporè (Temporary Protected Status, TPS) a. Anons sa a vini apre plis pase yon ane defans Gouvènè Hochul ak yon gwo kowalisyon Nouyòkè k ap travay pou jwenn otorizasyon travay pou moun k ap chèche azil ak migran, sa ki pèmèt yo sòti nan sistèm abri a epi kòmanse viv poukонт yo.

Mwa pase a, Gouvènè Hochul te mande Depatman Travay Eta New York lan (New York State Department of Labor, NYSDOL) pou konekte patwon yo ak moun k ap chèche azil ki fèk elijib ak imigran ki sou wout pou resevwa otorizasyon travay yo. Plis pase 70 pèsonèl eta, ki reprezante 16 ajans eta separe, te mobilize pou ede nan efò otorizasyon travay sa a. Gouvènè a te anonse tou ke Depatman an te lanse yon nouvo pòtay ki pèmèt biznis yo enfòme Eta a ke yo ap akeyi moun ki fèk otorize nan mendèv pa yo. Depatman an te kreye tou yon nouvo pwosesis enskripsyon kote moun k ap chèche azil ak migran ki gen otorizasyon travay yo kapab enskri pou jwenn asistans. Ofisyèl Depatman Travay Eta New York ak Depatman Travay Etazini ap rankontre nan jou k ap vini yo pou diskite sou opòtinite pou patenarya ak kwasans.

Gouvènè Hochul te idantifye otorizasyon travay kòm faktè kle pou mete fen nan kriz sa a. Li te soulve pwoblèm sa a ak ansyen responsab Administrasyon yo pandan reyinyon li nan Mezon Blanch lan twa semèn de sa, li te repete yon demann li te fè nan yon lèt bay Prezidan Biden nan kòmansman mwa sa a. Gouvènè a te sipòte Vil New York pandan tout kriz sa a, tankou angaje plis pase 1.7 milya nan finansman Eta a kòmanse ak Bidjè Ane Fiskal 2024 la, deplwaye plis pase 2,000 manm Gad Nasional la, epi mobilize tè Eta a pou itilize nan kad Efò Sekou ak Repons Imanitè Ijans (Humanitarian Emergency Relief and Response Efforts) yo.

Komisè Divizyon Sekirite Teritwa ak Sèvis pou Ijans lan, Jackie Bray, te deklare, "Eta New York ap travay di pou ede Vil New York avèk kriz moun k ap chèche azil k ap kontinye a. Gouvènè Hochul te konsantre sou jwenn fason pou ede migran ak moun k ap chèche azil nan abri Vil New York yo kite abri nan bay resous ak defann chemen ki mennen nan otorizasyon travay ak sèvis legal yo. Gen plis bagay ki pou fèt toujou pou asire migran yo ka otonòm isit la nan New York epi Gouvènè Hochul pral kontinye pran tout mezi ki disponib pou asire sa rive".

Majò Jeneral Ray Shields te deklare, "Manm Gad Nasional New York ak Fòs Defans Eta nou yo pa ka tann pou yo jwe yon wòl nan inisyativ yo pou ede moun k ap chèche azil yo konekte ak sèvis yo bezwen pou yo reyisi, epi jwenn opòtinite ak djòb yo bezwen pou yo vin otonòm".

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)